



KVINNHERAD  
K O M M U N E

Politisk og administrativt sekretariat

Kjartan Thoresen

---

Saksbehandlar	Tlf. direkte innval	Vår ref.	Dykkar ref.	Dato
<b>Kjartan Thoresen</b>		<b>2018/2058-5</b>		<b>25.02.2019</b>

## Internt brev - Særutskrift - Vurdering av å tilsetje eller leige inn hjelp til å utarbeide Strategisk næringsplan

Formannskapet hadde saka føre i møte 07.02.2019 som sak 2019/6.

Vedlagt fylgjer utskrift av møteboka der vi syner til vedtaket.

Med helsing

Bente Høyland  
*Møtesekretær*

*Brevet er godkjent elektronisk og har difor inga underskrift.*

# Saksframlegg

Kvinnherad kommune

**Saksmappe**

2018/2058-4

**Saksbehandlar**

Kjartan Thoresen

Saksgang		
Saksnr	Utval	Møtedato
2019/6	Formannskapet	07.02.2019

## Høyring av planprogram - strategisk næringsplan - kommunedelplan for næring

### Innstilling frå rådmannen:

1. Kvinnherad formannskap vedtek at framlegg til planprogram for kommunedelplan for næring vert lagt ut på høyring og offentleg ettersyn jf. Plan og bygningslova §5-2.
2. Frist for merknadar og innspel vert sett til 6 veker frå kunngjeringsdato.

### Behandling i Formannskapet den 07.02.2019

Rådmannen si innstilling vart samrøystes vedteken.

### Vedtak frå Formannskapet den 07.02.2019

1. ***Kvinnherad formannskap vedtek at framlegg til planprogram for kommunedelplan for næring vert lagt ut på høyring og offentleg ettersyn jf. Plan og bygningslova §5-2.***
2. ***Frist for merknadar og innspel vert sett til 6 veker frå kunngjeringsdato.***

### Saksutgreiing:

Kommunen sin planstrategi seier at Kvinnherad kommune skal ha ein næringsplan. Dette i ei tid kor kommunen si rolle som næringsutviklar har blitt stadig meir kompleks dei siste åra og skillet mellom næringsutvikling og anna samfunnsutvikling har blitt mindre. Prognosane seier at det vil bli ein nedgong i folketalet i Kvinnherad og det vil bli ein auke av eldre. Det gjer at ein kan få ufordringar med å få tak i arbeidskraft og rett kompetanse. Planen vil omhandla blant anna korleis ein skal jobba med næringsutvikling i kommunen, grøn satsing som til dømes ein grøn

næringspark, tilrettelegging for Smart City-tankegong og ein tett link til Kvinnherad 2050.

Kvinnherad kommune ynskjer å vera ein drivar for at Kvinnherad vert ein attraktiv stad å bu og jobbe i framtida.

#### **Det er behov for å målrette og koordinere innsatsen for næringsutvikling innan:**

- Kommunikasjonar/mobilitet
- Kompetanse/rekruttering
- Omdømebygging/marknadsføring
- Den grønne skiftet
- Næringsareal
- Etablerer- og utviklingsbistand
- Næringsfond
- Organisering av næringsarbeidet

#### **Planprogrammet skal:**

Skildre planprosessen med rammer, føringar og tidsfristar, samt vise opplegg for medverknad.

#### **Planen skal:**

- Gje retning for Kvinnherad kommune og andre lokale aktørar for fremjing av innovasjon og næringsutvikling i kommunen.
- Vise kva utfordringar som er særskild viktige for Kvinnherad og viktige strategiar for å nå desse måla.
- Gje prioriteringsgrunnlag for kommunen sitt arbeid for ta vare på eksisterande arbeidsplassar, skape nye og å gjere kommunen til ein attraktiv stad å bu og arbeide i.
- Planen vil gje kommunen tydelege målsettingar og verktøy for strategisk styring av næringsutviklinga i Kvinnherad.

#### **Allereie gjennomførte situasjonsanalysar som vert knytt til planarbeidet:**

- Energikartlegging av Kvinnherad kommune
- Spørjeundersøking «Ungdom 2018», utført på Næringsdagen 2018
- Hydrogenproduksjon i Kvinnherad
- Klimasmart Landbruk i Kvinnherad
- Datalagring i Kvinnherad

#### **Status**

I næringsplanen vil ein sjå kor kor Kvinnherad står i dag, setje fokus på kor me ynskjer å vera, samt setja mål og strategiar for korleis ein skal få til denne utviklinga.

Kvinnherad kommune har i den seinare tid hatt ein auka aktivitet grunna investeringar og behov for meir arbeidskraft hjå Hydro Husnes. Dette kjem i ei tid kor ein har gått frå å ha fire markante livbåttaktørar i kommunen til i dag å ha ein. Samstundes har det vore store utfordringar i verftsindustrien og den marine sektoren. I 2017 mista ein mange arbeidsplassar grunna nedgong i oljenæringa. I dag er det i stor grad positive framtidsutsikter i mange verksemder og fleire kan visa til stor vekst. Men sjølv om ein kan visa til ein slik aktivitet er det likevel ein jobb å gjera med å tilretteleggja for nye arbeidsplasser. Om ein knyt det opp mot utfordringane som ein vil få i framtida med fleire eldre og færre innbyggjarar i arbeidsfør alder er det nå ein må satse på og legge grunnlaget for framtidig utvikling. Kommunen bør greie ut moglegheitene for korleis ein kan bli ein attraktiv stad for å etablere nye verksemder og kva som skal til for at allereie etablerte aktørar ynskjer å etablere seg i Kvinnherad. Eit eksempel her kan vera å sjå på moglegheitene for ei grøn industriklynge. Det er også vedtak om at Kvinnherad kommune skal tilsetja ein næringsssjef. Det gjer at det er naturleg at ein i næringsplanen ser på korleis ein bør nytte ein slik stilling til næringsutviklingsarbeid i kommunen, samt at ein ser på ei rollefordeling mellom Kvinnherad kommune og Kvinnherad Næringssservice. Det skal også sjåast på korleis kommunen kan sikre seg gode avgjerdsprosessar i forhold til vedtak som gjeld næringsutvikling og korleis ein bør mobilisere til ny aktivitet.

**Økonomisk konsekvens:**

Planarbeidet vert gjort med egne ressursar over driftsbudsjettet.

**Miljømessig konsekvens:**

Ikkje relevant.

**Vedlegg:**

- Framlegg til planprogram

